



Qn. Ngo omito atim me gwoke?

A. Watye ki yo madwong ata ma romo weko in i gwoke ki kwidi jonyo wek pe okob i komi. Yo magi tye pi jo ma tiyo ki job ma tye ka kwo ki kwidi two jonyo. Ki minyo tam ni ka gi tye katic onyo ka lwoke remo ki i kom jo ma tye ki kwidi two jonyo ni omi to gu ti i ruk roc i cingi. Wek kwidi man pe okati i komi ogik ki woko i kom roc. Omito i bol roc man kama be onyo i lwoko i ngee tic kwede. I romo bene mako jami ma itiyo kwed gi ni i kavera ka lacen bol wa i coron. Ka i kwanyo roc mite ni omero i lwok cingi ki cabun.

Qn. Kabedo moni gi romo nongo kwidi nining?

A. Kwidi jonyo nyar i kabedo acel-acel lube kit ma dano ogure kwede. Man aye lok acel ma pire tek ma romo weko kabedo mukene dwong ki kwidi two jonyo loyo kamo kene ni. Watye ki yo madwong ataar, mugu ma ping egi ni pe obedo yo ma rom i kabedo acel-acel:-

1. Twono poko ngec i lok kom kwidi jonyo i kabedo moni ony ki dano ma i dwol moni ni kwidi jonyo lweny kama dano ogure i iey, man romo kelo koko i kom luwotwa ma pe gi minyo ngec i kom kwidi jonyo
2. Bedo peke ki ngec me pwony i kom kwidi jonyo, bedo pe ki ngec, apoka poka i kin jo ma tye ka kwo ki kwidi two jonyo ki jo ma peke kwede
3. Nok pa jami me ot yat pi tic i kom dano, machine me pimo remo, ki yat, bedo pe ki ngec me tic ki jami me ot yat calo, medo remo ma pe ki pimo
4. Lweny ki wor, lweny romo turu kit me tekwaro pa dano ki bene romo poko dano/kelo wors madit onyo romo ryemo dano ki kabedo ma meg, romo turu twero pa lutino i yo me butu, man otime i lweny me Rwanda, Congo, ki wa bot wa kany bene, wot pa mony (gure i kabo moni) en aye tye ka medo nyar pa kwidi jonyo, labol man tye i kom dul mony me UN ma gi gwoko kuc me wilobo ma gi romo wilo mon ki cente me butu kwed gi
5. Bedo pa dano i kema pi peko me lweny ki dak pa dano ki kabedo moni wa i kabedo mukene medo nyaar pa kwidi jonyo cito malo, man time pien no ngat acel-acel onongo aloka-loka otime i kwo me ma weko yo me butu ito i rwom ma lamal pi gure pa dano i kabedo acel
6. Pe pa lim/cente, can romo cwalo i yo maracu dok bene weko kwo wa rom bedo i kabed mucek, calo butu pi miti me cente ki jami ma beco calo bongo, war, carwa ki mukene ma pol atar; peko pa mon pi pe pa cente, ngec me kwan romo cwalo gi me nongo kwidi jonyo
7. STIS- two ma kobo i yo me butu (Nyac) konyo bene kor kwidi jonyo me kobo pi oyot ka kwidi man omako wan

Qn. Yo magi dwong tutwal me gwoke, pe aromo gwoke, anongo ni konya dong peke me bedo i lobo kany?

A. konyi pe peke, omi to pe cwiny wa oryange. Peke magi romo a ki i cing ngat acel-acel. Poko mugu calo lweny can pe gubedo gin ma lacan pi tyene ni dano nongo ki kwidi

jonyo kad i bed can peke, kwidi jonyo pwod mede ki nyar. Man nyutu atir ni omito wa lok kwo wa ka wan lucan wabedo kit ma watye kwede ni. Ki tam mugu me ling ki lok omero wa wek obedi. Wakati ka ma leng ka miyo tam botjo ma tye ki kwidi jonyo onyo peke kwede. Two nyac yate tye, waromo cango ne ka wacito i ot yat ki omito wa weko apoka-poka i kin mon ki coo. Nino-ki-nino dano ma romo 14,000 nongo kwidi jonyo ki omito wa kati woko wek wad wok wel pa kwidi man odwog ping pi kwo ma ber me anyim pi ka bedo wa ki bene pi kelo alok-loka pi wilobo.